


大悲分陀利經

籍

卷二

百卅四
駒四

48117



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置

寺

大乘大悲分陀利經卷第二

失譯

駒

勸施品第四

尔時寂意菩薩摩訶薩承佛威神白佛言世尊以何因緣其餘諸佛國土清淨無諸穢惡亦無五濁種種奇妙莊嚴佛土彼諸菩薩摩

訶薩種種威德而皆悉備種種歡樂而皆滿足亦無聲聞辟支佛名何況其餘世尊以何



因緣於此穢惡命濁劫濁衆生濁見濁煩惱濁世界成阿耨多羅三藐三菩提而有四衆三乘說法世尊何故不取清淨佛土無五濁者佛言善男子以本願故菩薩取淨佛土亦

以本願故取不淨土善男子有菩薩摩訶薩
大悲具足取不淨佛土所以者何以本願故
令我於此惡世成佛汝一心善聽當爲汝說
時寂意菩薩聽佛所說佛言善男子乃往古
昔過一恒河沙數阿僧祇劫於此佛刹爾時
有大劫名持是大劫中在此佛刹是四天下
爾時轉輪王名曰離諍王四天下離諍王時
有國大師婆羅門名曰海濟生一子有三十
二相八十種好百福莊嚴皆悉具足身有圓
光如若瞿盧樹紫磨金色當生之時百千諸
天來供養已即爲立字名曰海藏彼於餘時
出家學道剃除鬚髮而披法服得成阿耨多

羅三藐三菩提号曰寶藏彼佛轉法輪時令
多億那由他百千衆生有得天道及解脫果
彼於餘時與多億那由他百千聲聞衆圍遶
侍從村城聚落王舍遊行漸漸至安訛羅城
離諍轉輪王所治之處去城不遠有閻婆羅
園寶藏如來應供正遍知與多億那由他百
千聲聞衆俱於中止任時離諍王聞寶藏如
來應供正遍知與無數億那由他百千聲聞
衆俱入其街里任閻婆羅園王即生念今我
應至如來應供養恭敬尊重讚歎時離諍王
以大神德無量王威咸與無數億百千臣民
前後圍遶導從出城詣閻婆羅園以其所乘

盡所乘地下乘步進向寶藏如來所至已頭
面禮足遶佛三帀却坐一面善男子尔時寶
藏如來應供正遍知見離諍王正法喜悅要
語勸化離諍王令踊躍歡喜以無數言辭正
法喜悅要語勸化令踊躍已默而住時離諍
王叉手合掌白寶藏如來應供正遍知言唯
願世尊與比丘僧受我三月請供養衣服飲
食牀檣卧具病瘦醫藥隨其所須善男子寶
藏如來默然受請彼離諍王知佛受請禮畢
遶佛三帀而去時離諍王還告諸小王群臣
人民作如是言汝等當知我請寶藏如來應
供正遍知及比丘僧三月供養一切所須我

有財寶供養之具所可愛重盡迴施佛及比丘僧汝等所有已物供養之具盡迴施佛及比丘僧彼諸人等皆亦迴施時王藏寶臣盡以金為閻婆羅園地尋時以竟即為世尊造七寶臺周帀四邊七寶為戶遍於園中置七寶樹彼諸樹上種種衣服而以莊嚴種種幡蓋種種真珠瓔珞種種房舍種種嚴饒種種寶器種種雜香種種七寶華果以莊嚴樹園中一切眾寶莊嚴散種種華種種繒綵種種茵蓐種種氍毹毼毼種種衣服以用敷座又置寶輪在於臺外當世尊前去地一仞虛空中住光燦甚明純白象寶七支平滿住世尊

後擎持寶樹覆世尊上彼樹莊嚴以七寶
瓔珞種種莊嚴以七寶瓔珞種種嚴具種
種鬘鬘饒種種繒綵種種妙衣種種房舍樹
上有蓋七寶莊嚴離諍王第一正后在佛前
住以海此岸牛頭旃檀末香以散佛上離諍
王親自執持摩尼寶珠光耀極明置如來前
彼輪光珠光照於園中其明充滿其佛光明
亦照三千大千世界妙光普遍一一聲聞以
牛頭旃檀為座亦以為杌而承其足諸聲聞
後皆有白象擎持寶樹嚴饒麗妙如前所說
以覆其上諸聲聞前皆有姝女眾寶瓔珞以
為嚴饒皆以海此岸牛頭旃檀末香用散佛

上其一一聲聞前置瑠璃珠種種音樂周遍
園中聖道寶臣將四種兵列住園外周匝侍
衛善男子。爾時離諍王於晨朝時出城詣佛
乘其所乘。盡所乘地。下乘步進向世尊所。至
已頭面禮寶藏如來足。及禮衆僧。遶三匝。已
王親以水灌如來手。躬自斟酌百味飲食。種
種餽饌。皆悉備足。王知食訖。收鉢手執寶拂。
敬拂如來。其王千子及八万四千諸小國王。
如是供養。聲聞僧已。皆各執拂而拂大衆。飯
訖。少時無數億那由他百千衆生。皆來入園。
爲聽法。故無數億那由他百千諸天。於虛空
中。雨衆天華。作諸伎樂。種種天繒幡蓋。柔軟。

衣服及諸瓔珞懸虛空中四萬青夜叉於旃檀林中常取海此岸牛頭栴檀爲薪爲佛比丘僧供設飯食時離諍王即是夜於佛大衆前然多億那由他百千燈明善男子時離諍王夜分於世尊前頂上兩肩手膝兩足竟夜擎燈佛威神故形無疲懈其身受樂譬如比丘入第三禪身不傾倚心無勞倦如是供養終竟三月如是千子八萬四千諸小國王并餘多億那由他百千衆生以王供養一一聲聞終於三月如離諍王供養寶藏如來等無有異時王正后於三月中華香供養餘多億那由他百千婁女於三月中以華香供養諸

聲聞衆亦復如是善男子。尔時離諍王。竟三
月。已以八万四千紫磨寶臺。迴施世尊。八万
四千金輪輪寶。爲首。亦用施佛。八万四千白
象。象寶。爲首。八万四千馬。馬寶。爲首。八万四
千日明珠珠寶。爲首。盡以施佛。八万四千諸
小國王。主藏寶。爲首。迴施世尊。供給所須。八
万四千小王。聖導寶。爲首。迴施世尊。給侍左
右。八万四千城安。訶羅城。爲首。施佛及僧。隨
意所用。八万四千七寶行樹。八万四千衆寶
華聚。八万四千七寶蓋。八万四千上妙衣服。
八万四千雜寶鬘。飾略說。車乘牀座。及承足
机卧具。毼器頭服冠。幘瓔珞金瓔。真珠瓔珞。

伎樂鍾鈴螺鼓幢麾及拂鐙鑪澡灌園林
獸皆是衆寶并及妙味各八萬四千盡迴施
寶藏如來應供正遍知已而白佛言我國事
殷并懺悔世尊唯願如來樂住此園比更奉
覲彼離諍王千子於佛前住一一王子請佛
及僧三月供養一切所須世尊默然受王子
請尔時離諍王知佛受諸子請已頭面禮足
及比丘僧右遶三帀辭退還宮彼時諸王子
中第一王子名曰不眴於三月中供養世尊
及比丘僧如離諍王王子問曰一來奉覲世
尊及比丘僧聽微妙法善男子時國大師婆
羅門是寶藏如來父名曰海濟遍閻浮提

女大小而從乞求未便即受先令施主受主
歸依住阿耨多羅三藐三菩提然後受施閻浮
提內一切老少有智海濟婆羅門無不受其
施勸以三歸令住阿耨多羅三藐三菩提者
如是勸多億那由他百千衆生令修三福地
住阿耨多羅三藐三菩提不眴王子於三月
中如是供養世尊及比丘僧如離諍王子竟三
月已唯除城郭自然輪自然象自然馬自然
摩尼寶玉女寶主藏寶聖道寶除是已以八
萬四千金輪八萬四千象八萬四千馬盡迴
施佛略說日明珠姝女童子如意之樹華聚
衣蓋瓔珞車乘牀座及承足机卧具從器頭

服冠幘真珠瓔珞伎樂鍾鈴螺鼓幢麾及拂
鎧鑪澡灌園林鳥獸皆是衆寶并及妙味各
八萬四千盡迴施已懺悔世尊及比丘僧尼
摸王子亦以如是供養之具於三月中供養
世尊并比丘僧如不暇供養已如是寶物施
與達嚩亦如不暇帝衆王子於三月中供養
世尊并比丘僧達嚩亦然今當略說彼衆王
子無畏王子虛空王子支象王子民陀羅王
子密蘓王子摩陀步王子土衆王子知義王
子童子王子解愚王子解人王子阿邏步王
子遣使王子安佉慕王子義語王子阿隣度
路王子將願王子將象王子月將王子日將

王子主將王子金剛將王子忍將王子處將
王子疾將王子賀邏尼慕王子瞠障王子障
力王子障雜王子樂雜王子王財王子欲問
王子賀邏陀附王子擁護王子王稱王子監
摩野婆羅步王子野闍路王子野度披樹王
子野頗奴王子野象奴王子禮月王子不退
王子乃至離諍王千子一一亦皆如是以一
切所須供養寶藏如來應供正遍知及無量
比丘僧衣被飲食卧具隨病醫藥并餘所須
各於三月如王太子不眴一一以八萬四千
金輪乃至八萬四千味皆迴施佛及比丘僧
以是大施有求天帝有求梵王有求魔王有

求轉輪聖王有求大富有求聲聞乃無一人
求辟支佛乘況求大乘亦時離諍王以此大
施還求轉輪聖王如是滿二百五十歲皆亦
各各懺悔世尊并比丘僧亦時國大師海濟
婆羅門詣寶藏如來比丘僧所請供七季以
一切所須衣被飲食卧具隨病醫藥并餘所
須亦時世尊默然受父國大師請是時海濟
婆羅門以一切所須供養寶藏如來如王離
諍亦無有異善男子海濟婆羅門於餘時心
生念我已勸多億那由他百千衆生令發阿
耨多羅三藐三菩提心不知是離諍王所可
志願為求天王為求人王為求聲聞乘為求

辟支佛乘為求阿耨多羅三藐三菩提設我
當得成阿耨多羅三藐三菩提未度衆生亦
皆得度未解衆生亦皆得解諸老病死憂悲
苦惱衆生今得解脫未涅槃者若龍若夜叉
若佛若聲聞若梵王願示我夢是王為求天
福為求人福為求聲聞辟支佛地為求阿耨
多羅三藐三菩提耶善男子尔時國王太師
海濟婆羅門即於夢中見如是光明見十方
恒河沙數世界諸佛如來彼諸佛出尊皆遣
蓮華與婆羅門白銀為莖黃金為葉碼碯為
臺瑠璃為鬚一華上皆有日現彼諸日上有
七寶蓋一日出六十億光彼一切光皆入

婆羅門口自見已身高千由旬清淨如鏡自
見身中六十億那由他百千菩薩皆於蓮華
臺上結加趺坐入於三昧見彼諸日遶身周
帀又見諸蓋虛空中住乃至梵天彼諸蓮華
遶身住者聞出柔輦之音過天五樂於中見
離諍玉猪頭人身以血自塗東西馳走多諸
雜虫竟來食之於卑賤伊蘭樹下坐多諸雜
虫竟共食之乃至白骨已數數還復猪頭人
身以血自塗多諸雜虫竟來食之於卑賤伊
蘭樹下坐多諸雜虫竟來食之乃至白骨於
中見諸王子有猪頭者有象頭者有水牛頭
者有狼頭者有犴頭者有狗頭者有獼猴頭

者以血塗身多諸雜虫竟來食之皆依卑賤
伊蘭樹下坐多諸雜虫竟來食之乃至白骨
其身還復虫尋食之復見餘王子乘水牛車
須曼那華以自莊嚴隨不正道而南遊行梵
王帝釋并及護世來語之言咄婆羅門汝邊
蓮華周帀住者於中先以一華持與國王其
諸王子各與一華然後與諸小王自與汝子
并及餘人時婆羅門聞彼諸天使分布已即
分諸華眠覺起坐憶所見夢於坐生念是轉
輪王願樂下賤生死惓望安樂而願卑賤諸
王子等亦復如是又我所見王子乘水牛車
須曼那華以自莊嚴而南遊行是求聲聞乘

者又我所見光明見於十方諸佛世尊緣我
遍至閻浮提勸化多億那由他百千衆生以
三福地使得成就今住其中以是故我夢見
大光明見於十方諸佛世尊以我遍至閻浮
提勸化過數衆生今住阿耨多羅三藐三菩
提又我今請如來應供正遍知及比丘僧於
七年中以一切所湏以是十方諸餘世界諸
佛世尊今遣此華而來與我令我發阿耨多
羅三藐三菩提願以是諸佛世尊爲我遣蓋
我所見華上日有諸光明入我口中見已身
極爲高廣見日周身自見身中有六十億那
由他百千菩薩蓮華臺上結跏趺坐入於三

昧如是諸夢我所不解又見梵釋護世勸我
分布諸華尋時自見分此華如是諸夢唯佛
明焉我以何因緣見此大夢我今應至佛所
問此夢意尔時海濟婆羅門即於夜時具辦
餽饍明至佛所自行澡水佛及比丘從上至
下行水畢已手自斟酌種種餽饍隨意所須
飯佛及僧食訖收鉢還坐說法尔時離諍王
與其千子無數百千大眾俱圍遶侍從往詣
佛所乘其所乘盡所乘地下乘恭肅步進入
園至如來所頭面禮足及比丘僧坐於佛前
聽說妙法尔時海濟婆羅門如前所見夢前
問佛已世尊告大婆羅門汝所見大光明見

於十方恒河沙數世界諸佛世尊彼為汝遣
華上見日皆放光明彼諸光明盡入汝口以
汝婆羅門於二百五十歲遍行閻浮提勸過
數衆生以三福地今任其中又勸過數衆生
以阿耨多羅三藐三菩提亦任其中以是大
施故婆羅門彼諸佛世尊皆授汝阿耨多羅
三藐三菩提記於十方恒河沙數世界中現
在任世說法諸佛遣華與汝以白銀為莖黃
金為葉碼碯為臺瑠璃為鬚一切華上所可
見日婆羅門彼所現夢是先瑞應汝婆羅門
夢見十方恒河沙數世界中諸佛世尊現在
任世說法彼諸佛世尊為汝遣七寶蓋彼諸

寶蓋於空中住乃至梵天婆羅門汝所可成
阿耨多羅三藐三菩提夜時即是夜名稱流
布聞於十方恒河沙數世界乃至梵天無能
過上見汝頂者婆羅門彼所現夢見先瑞應
婆羅門汝夢見已身極自高廣乃至梵天日
周身住婆羅門汝所可勸化過數衆生發菩
提心是汝成菩提時一佛世界微塵數十方國
土彼亦成阿耨多羅三藐三菩提是汝本所
勸化於菩提者彼皆稱譽汝而作是言彼如
來應正遍知初勸化我等於阿耨多羅三藐
三菩提是故我今得成阿耨多羅三藐三菩
提彼是我等善知識彼諸佛皆遣菩薩恭敬

供養讚歎於汝彼諸菩薩摩訶薩各各捨已
佛土而來皆以種種菩薩神通供養於汝而
聽法已得種種若干三昧忍辱陀羅尼門彼
諸菩薩摩訶薩各還本土稱譽讚歎汝之名
稱婆羅門彼所現夢是先瑞應婆羅門汝自
見身中多億菩薩於蓮華上結跏趺坐入於
三昧者婆羅門汝成菩提時勸化多億那由
他百千衆生得不退轉任阿耨多羅三藐三菩
提婆羅門汝以無上般涅槃般涅槃已於後一
佛世界微塵數大劫中十方國土諸佛世尊
以正法王治皆讚歎稱譽汝如過無量無邊
阿僧祇劫有如來應供正遍知名号如是彼

如來應供正遍知勸化我等今住阿耨多羅
三藐三菩提以是故我等今得成阿耨多羅
三藐三菩提得正法王位婆羅門彼所現夢
是先瑞應婆羅門汝夢見餘人猪頭人身象
頭乃至狗頭以血塗身多諸雜虫竟來食之
卑賤伊蘭樹下坐多諸雜虫竟來食之乃至
白骨其身還復猪頭人身乃至狗頭以血自
塗多諸雜虫竟來食之是彼愚癡男子住三
福地布施持戒修定者有求魔界苦樂求天
上福盡命終之苦人中老病死苦怨憎會苦
愛別離苦餓鬼中飢渴苦畜生中癡冥屠割
苦樂在地獄中受種種苦住三福地者求天

上天王求人中一天下王求二天下王求三
天下王求四天下王彼愚癡男子食一切衆
生一切衆生亦食彼愚癡男子如是經久沉
溺生死婆羅門彼所現夢是先瑞應婆羅門
汝夢見餘人以須曼那華而自莊嚴乘水牛
車隨不正道而南遊行若婆羅門彼善男子
亦住三福地布施持戒修定爲自度故是求
聲聞乘者彼所現夢求聲聞乘人是先瑞應
大乘大悲分陀利經勸發品第五
善男子今時國大師海濟婆羅門語離諍王
作如是言大王人身難得閑靜時難如來應
供正遍知出世甚難譬如優曇鉢華時一現

耳樂求善根難正願亦難大天王位衆苦之
本人中一天下王位二天下王位三天下王
位四天下王位皆苦之本大王此是久受生
死苦器大王人天福報譬如疾風無有住時
如水中月凡夫五欲無足醉於境界樂求人
天福報凡夫人數受地獄苦畜生苦餓鬼苦
人中愛別離苦天上退還苦數數入胎苦更
相殘害苦凡夫如是展轉受苦所以者何無
善知識不發正願故亦不能求未及謂及未
得謂得未證謂證如是無明凡夫不知猷足
不肯發菩提心所可滅衆苦於生死中不猷
不憂於中數數受苦大王思惟生死苦器是

故大王汝今於佛法中已種善根作諸福德
於三寶中已得信喜施與世尊大富果報奉
持戒者生天果報有所聞法大智慧果報大
王汝設邪見若已竟汝今可發阿耨多羅三藐
三菩提心王曰止婆羅門我不求菩提樂任
生死婆羅門我已布施持戒聽法婆羅門阿
耨多羅三藐三菩提甚為難得海濟婆羅門
復作是言大王菩提道淨應至意發願淨心
滿足是道清淨故意淨故是道正直以不諂
故是道極淨諸結盡故是道寬博無障礙故
是道等度以等心故是道無畏以不作諸惡
故是道大富以檀波羅蜜故是道最尊以尸

波羅蜜故是道無辱以羸提波羅蜜故是道
無任以毗梨耶波羅蜜故是道閑靜以禪波
羅蜜故是道善擇以般若波羅蜜故是道得
實智以大慈故是道得不退轉以大悲故是
道得踊躍以大喜故是道堅固以大捨故是
道無坑坎荆棘無喜欲誑想故是道至安隱
心無壞故是道無劫奪善解色聲香味觸故是
道除魔怨敵善解陰界入故是道無魔滅諸
結故是道得妙心無聲聞辟支佛念故是道
興盛受諸佛力故是道至大寶應一切種智
寶故是道一切露現阿僧祇智明故是道明
導師所行不離善知識故是道無高下無憎

愛故是道無塵穢不喜瞋濁故是道善逝無
諸不善故大王彼菩提道趣安隱盡涅槃際
大王可發菩提心王曰婆羅門是八萬歲世
人中如來出現猶尚不能滅諸惡趣其有衆
生善根熟者彼衆生皆住於果有得三昧隨
羅尼忍辱者菩薩善根純熟彼受菩提記有
少種善根者彼受人天福衆生各各轉輪隨
善惡行有處佛說若一切衆生不種善根苦
不滅唯佛身是福田然不能度脫未種善根
者我當發菩提心我行菩薩行時以大智入
不可思議陀羅尼法門度衆生佛事然不以
此不淨土迴向菩提心設我得如意佛土我

當發菩提心乃至證阿耨多羅三藐三菩提
時我今所時行菩薩行滅佛土中一切衆生
苦善男子今時寶藏如來應供正遍知入現
莊嚴三昧現如是神通寶藏如來入現莊嚴
三昧已應時現如是光明於十方各千佛土
微塵數世界現一切莊嚴有諸佛世尊已入
涅槃有欲入涅槃有菩薩摩訶薩菩提樹下
坐降魔官屬有成佛未久而轉法輪有久成
佛說法有純菩薩充滿佛土有國土乃至無聲
聞辟支佛名有處有聲聞辟支佛有國土空無
佛菩薩亦無聲聞辟支佛有不淨佛土五濁
出時有淨佛土無有五濁有尊有卑有長壽

有短壽有佛土火災起有水災風災起有處
已壞有處始成妙光照彼一切悉現今時大
衆普見彼諸佛土國界莊嚴今時海濟婆羅
門語王言汝今但觀佛土莊嚴大王可發阿
耨多羅三藐三菩提心大王可取隨意佛土
善男子今時離諍王向寶藏如來叉手合掌
而白佛言唯世尊菩薩摩訶薩以何行業取
淨佛土以何不淨意衆生以何取長壽佛言
大王菩薩摩訶薩以願取淨佛土無五濁亦
以願取不淨王曰唯世尊我還入城一處靜
坐思惟所願如我所應佛土無有五濁淨行
迴向佛言大王今正是時善男子今時離諍

王頂禮世尊足并比丘僧遶佛三币而去還
來入城至其宮殿獨坐一處三昧思惟佛土
莊嚴誓願善男子尔時海濟婆羅門語太子
不眴言善男子汝亦可發阿耨多羅三藐三
菩提心汝所有三福地布施持戒修定所修
善行一切迴向菩提彼曰我亦還家獨坐一
處思惟莊嚴佛土願我若發菩提心更來如
來所迴向菩提心取莊嚴佛土時彼王子頂
禮佛足并比丘僧遶佛三币還於已舍獨一
處坐如是思惟莊嚴佛土願善男子尔時國
大師海濟婆羅門語第二子尼摸作如是言
汝童子亦可發菩提心乃至王諸子勸發菩

提八萬四千諸小王并餘九十二億人勸發
菩提心彼一切皆作是言我等亦各各歸家
獨坐一處思惟莊嚴佛土願彼一切如是七
年中各坐三昧無惱亂心思惟莊嚴佛土願
善男子海濟婆羅門於餘時心生是念我勸
多億那由他百千衆生於阿耨多羅三藐三
菩提又我請佛及無量比丘僧七年供養一
切所須設我阿耨多羅三藐三菩提意滿如
願必成我當勸化天阿脩羅乾闥婆龍夜叉
羅刹鳩槃荼等以大施會善男子尔時國大
師海濟婆羅門思見毗沙門大王善男子尔
時毗沙門大王與多百千夜叉圍遶侍從其

夜詣海濟婆羅門所於其前住作如是言婆
羅門何故思我耶婆羅門言汝為是誰彼曰
婆羅門汝不聞乎有夜義主名毗沙門我身
是也婆羅門欲使我作何等婆羅門曰大王
汝亦應助是大施會彼曰唯然婆羅門如汝
所思大王汝以我語勸諸夜義令發阿耨多
羅三藐三菩提又化汝等夜義樂求福德者
樂求菩提者可日日往海彼岸取此岸牛頭
旃檀香來復取種種塗香種種雜華日日給
我供養世尊唯然婆羅門毗沙門大王聞婆
羅門語已還本住處擊鼓集諸夜義羅刹作
如是言汝等當知是閻浮提有婆羅門名曰

海濟是離諍王國之大師彼請寶藏如來應
供正遍知及比丘僧俱七年供養一切所須
汝等於彼善根隨喜以是善根發阿耨多羅
三藐三菩提心即於今時多億那由他百千
夜叉羅剎叉手合掌作如是言如海濟婆羅
門福德善業請寶藏如來應供正遍知及無
量比丘僧七年供養一切所須如是彼福德
業我等隨喜以是善根願我成阿耨多羅三
藐三菩提毗沙門大王曰諸賢善聽汝等樂
求菩提者樂求福德者日日可往海彼岸取
海此岸牛頭旃檀香來給海濟婆羅門爲如
來設食并比丘僧九萬二千夜叉同聲唱言

我等大士於此七年當取海此岸牛頭旃檀
香來以給海濟婆羅門爲如來設供并比丘
僧四萬六千夜又作如是言我等取種種香
來五萬二千夜又作如是言我取種種華來
二萬夜又作如是言我等當取種種諸味之
精來著如來比丘僧衆食飲之中七萬夜又
作如是言我等大士爲世尊造作飯食并比
丘僧善男子今時海濟婆羅門思念欲見毗
留勒迦大王即時毗留勒迦大王詣海濟婆
羅門所乃至多億那由他百千鳩槃荼勸發
阿耨多羅三藐三菩提心如是毗留波又提
陀羅吒與多億那由他百千龍輒闍婆勸發

阿耨多羅三藐三菩提心善男子。爾時海濱
婆羅門思念。二四天下護世。彼以佛威神至
婆羅門所。婆羅門亦以如是勸化。已各還本
處。勸其眷屬。以阿耨多羅三藐三菩提。乃至
一切三千大千佛土。百億毗沙門。與其眷屬
勸化。阿耨多羅三藐三菩提。百億毗留勒迦
百億毗留波叉。百億提陀羅吒。與其眷屬。俱
勸以阿耨多羅三藐三菩提。善男子。爾時海
濱婆羅門心生是念。若我阿耨多羅三藐三
菩提意必成。所願心果。我當分此大耶。若福
與彼欲界諸天。勸以阿耨多羅三藐三菩提。
我以是善根。審得阿耨多羅三藐三菩提者。天帝

釋今應來現。須夜摩天子刪毘率陀天子化樂
天子他化自在天子悉應來現。善男子海濟婆
羅門適發念已釋提桓因來現在前。須夜摩天
子刪毘率陀天子化樂天子他化自在天子來
現在前。婆羅門問曰汝等是誰。彼五天王各各
自說名字已作如是言。汝婆羅門欲使我等何
所施作。欲使我等於此大施何所供給。婆羅門
曰汝等天上所有最妙寶臺寶樹若劫波樹若
香樹若華樹若菓樹天衣天座天衆敷具天諸
寶器天莊校天蓋幢幡瓔珞伎樂如是等一切
盡爲佛及僧嚴飭。此閻婆羅園唯然大士彼五
天王從婆羅門所聞是語已各還天上告鞞宅

居天子曠野天子畢天子居藍婆天子難陀天
子作是言汝等大士至閻浮提閻婆羅園以如
是莊校以如是嚴飾以如是瓔珞以如是座
以如是敷具以爲莊嚴如天嚴飾等無有異
又爲世尊造立寶臺如衆寶嚴臺對曰唯然
彼五天子於五天王所聞已至閻浮提竟
如是一切莊嚴閻婆羅園從寶樹乃至幢幡
以爲莊嚴又爲世尊造立寶臺如釋提桓因
衆寶嚴臺一切莊校閻婆羅園如天莊嚴作
已還至天上白諸天王大士當知如此天上
莊校閻浮提閻婆羅園莊校一切瓔珞亦如
是又爲世尊造立寶臺如釋提桓因衆寶嚴

臺天上閻浮提閻婆羅園等無有異彼時五
天王帝釋須夜摩刪兜率陀化樂他化天王
來至閻浮提語海濟婆羅門言爲世尊及比
丘僧莊校園已復何所爲尔時海濟婆羅門
語諸天王作如是言汝等天王所主領處普
集天衆以我語而告之言閻浮提有婆羅門
名海濟彼請寶藏如來應供正遍知并無量
比丘僧七年供養一切所須汝等於彼福業
應當隨喜發阿耨多羅三藐三菩提心汝應
下閻浮提奉覲世尊恭敬親近并比丘僧於
世尊所聽微妙法彼五天王聞婆羅門語已
各還本處時釋提桓因集三十三天以海濟

婆羅門語勸化而告之言汝等大士當知閻
浮提離諍王有大師婆羅門名曰海濟請寶
藏如來及無量比丘僧七年供養一切所須
我等爲佛僧莊校園已汝等於彼善根應當
隨喜發阿耨多羅三藐三菩提心即於尔時
多億那由他百千三十三天义手合掌而說
是言我等於福業隨喜以是隨喜福業盡迴
向阿耨多羅三藐三菩提如是須夜摩天子
集須夜天略說刪兜率陀化自在他化自在
天子集他化自在天乃至多無數億那由他
百千天子义手合掌而說是言我等於彼善
根隨喜以是善根我等得阿耨多羅三藐三

善提是故汝等大士應下閻浮提奉覲世尊恭
敬親近聽受妙法并比丘僧時五天王即夜
一天王與天子天女及童男女多億那由
他百千圍遶俱下閻浮提頭面禮世尊足并
比丘僧於世尊所聽受法晝則空中雨衆天
華優鉢羅鉢曇摩俱物頭分陀利伽須摩那
波利師迦阿提目多伽瞻蔔伽華曼陀羅華
摩訶曼陀羅華并作天樂復次善男子海濟
婆羅門心生是念若我阿耨多羅三藐三菩
提意滿所願必成我當以善提勸阿脩羅善
男子適發心已五阿脩羅王來詣海濟婆羅
門所乃至多億那由他百千阿脩羅男女大

小以娑羅門語勸令發阿耨多羅三藐三菩提心來至佛所而聽受法略說娑羅門如是
思念魔王即時魔王名佛樓那來至娑羅門
所乃至無數億那由他百千魔子魔女大小
勸發阿耨多羅三藐三菩提心乃至聽法善
男子尔時海濟波羅門思念螺髻大梵螺髻
大梵亦來至娑羅門所聞已還梵天上乃至
多億那由他百千梵天勸發阿耨多羅三藐
三菩提心從上來下至世尊所恭敬親近并
比丘僧而聽受法善男子尔時海濟波羅門
思念二四天下帝釋思念須夜摩刪兜率陀
化樂他化天子彼五天王亦以佛威神來至

海濟波婆羅門所婆羅門如是約勅彼各還去
以婆羅門語勸眷屬以菩提如是多億那由
他百千三十三天子天女大小勸發阿耨多
羅三藐三菩提心及帝釋來此四天下恭敬
親近世尊并比丘僧而聽受法如是須夜摩
刪兜率陀他化自在如是他化天子勸發他
化自在天以菩提多億那由他百千他化自
在天子天女大小勸發阿耨多羅三藐三菩
提心來此四天下恭敬親近世尊并比丘僧
而聽受法如是二四天下阿脩羅魔及大梵
如是三四天下如是四四天下如是五四天
下帝釋須夜摩刪兜率陀他化阿脩羅魔及

大梵以佛威神故與眷屬俱來此四天下而
聽受法乃至三千大千佛土百億帝釋百億
須夜摩百億刪兜率陀百億化自在百億他
化自在天子百億阿脩羅王百億魔百億大
梵一一大梵勸無數億那由他百千梵天發
阿耨多羅三藐三菩提心彼以世尊威神一
切來此四天下恭敬親近世尊并比丘僧而
聽受法令時三千大千世界地無如豪髮空
不周者善男子令時海濟婆羅門而生是念
若我阿耨多羅三藐三菩提意得滿者如百
億毗沙門乃至百億大梵悉皆隨我者應現
如是大神通令遍三千大千世界人及畜生

餓鬼地獄一切苦受得息樂受得生一一衆
生化佛在前勸發阿耨多羅三藐三菩提善
男子今時寶藏如來應供正遍知海濟婆
羅門心所念即入三昧名鉢羅婆入已一
一毛孔放過數光明照此三千大千世界妙
光普遍其光明至地獄者令寒地獄衆生煖
風來吹有衆生舉身火然冷風來吹彼諸地
獄衆生飢渴困乏苦受即滅極得樂受一一
地獄衆生化佛在前具三十二大人之相八
十種好莊嚴其身彼地獄衆生受喜樂已而
生是念以何因緣我等苦滅樂受得生彼見
世尊三十二大人之相八十種好莊嚴其身

見已作是言蒙是具足大悲之恩得受樂
受倍極歡喜善心生焉瞻仰世尊世尊告
曰咄汝衆生當作是言南無佛陀發阿耨多
羅三藐三菩提心汝等衆生更不受苦常得
受樂彼作是言南無佛陀我等發阿耨多羅
三藐三菩提心以是善根願罪業永滅於中
有命終者生此人間於地獄衆生火所燒者
光明至已冷風來吹彼一切飢渴困乏苦痛
即滅乃至於中命終來生人間畜生餓鬼及
人亦如是說彼光還來遶佛三帀從頂上入
過數天人夜叉羅刹龍阿脩羅得不退轉住
阿耨多羅三藐三菩提於彼過數衆生得三

昧忍辱陀羅尼於此閻浮提人間安訓羅城
王之住處閻婆羅園諸天爲佛及僧以天莊
嚴已彼生是念我等宜應往觀奉覲寶藏如
來應供正遍知敬瞻聖衆於如來所聽受正
法當於今時無數億那由他百千男女長幼
日往見世尊恭敬親近并比丘僧周遍觀園
彼園有二萬七寶門一一門側敷五百寶牀
五百童子各坐其上來入園者彼諸童子誨
以三歸依佛法聖衆勸發阿耨多羅三藐三
菩提心今住其中然後乃聽入園見佛及僧
恭敬親近周遍觀園善男子今時國大師海
濟婆羅門於七年中勸過數諸天發阿耨多

羅三藐三菩提今住其中過數龍阿脩羅夜
叉羅刹鳩槃荼乾闥婆餓鬼毗舍遮及地獄
過數人盡勸發阿耨多羅三藐三菩提今住
其中過數衆生勸發阿耨多羅三藐三菩提
今住其中彼七年將欲盡時海濟婆羅門具
八萬四千金輪除自然輪寶八萬四千象授
以七寶除自然象寶乃至八萬四千味欲以
迴向於彼七年離諍王曾無欲想瞋恚愚癡
及吾我想悉皆無有又無王想無施想無妻
息想無食飲想無香華衣服想無車乘想無
睡眠想無樂想無彼我想於七年中未曾倚
卧無晝夜想無有色聲香味觸想於七年中

未曾疲懈常觀見十方各千佛土微塵數世
界佛土莊嚴諸須彌山不障於眼其餘諸山
鐵圍大鐵圍障山日月諸天宮殿悉無障礙
如彼所見莊嚴佛土彼思惟莊嚴淨佛土願
如離諍王以如是德樂住七年如是見莊嚴
佛土彼坐思惟莊嚴淨佛土願王子不眴尼
摸因陀羅伽盧乃至彼王千子八萬四千諸
小國王并餘九十二億衆生亦復如是彼一
切於七年中獨坐一處而入三昧見十方各
千佛土微塵數世界彼亦於七年中不生欲
想無瞋恚想乃至無疲懈處常普見十方各
千佛土微塵數佛國莊嚴彼須彌山不障於

眼其餘諸山鐵圍大鐵圍障障山日月天諸宮
殿悉無所礙如彼所見莊嚴佛土思惟莊嚴
淨佛土願彼一切以如是功德快樂於七年
住有思惟莊嚴淨佛土願有取不淨佛土
時海濟婆羅門知七年竟欲以七寶迴施寶
藏如來應供正遍知義手合掌白言世尊我
勸離諍王於阿耨多羅三藐三菩提彼自還
家獨坐一處而入三昧無敢入者無人能覺
如是彼王千子我勸以阿耨多羅三藐三菩
提彼亦如是各各還家獨在一處而入三昧
無敢入者無人能覺我亦如是勸八萬四千
諸小國王并餘九十二億衆生以發阿耨多

羅三藐三菩提於彼一切各各還家皆在一
處而入三昧無能入者唯願世尊覺離諍王
令三昧起來至於此彼一切我所勸化菩提
者皆亦使來彼獨坐三昧者一切使來取阿
耨多羅三藐三菩提意不動於世尊所得受
名号國土之記善男子尔時寶藏如來應供
正遍知入于三昧名涅邏訶邏波帝口出青
黃赤白紅紫色光於彼住三昧者一切化婆
羅門在前立作是言起大士往見世尊并比
丘僧恭敬親近大士海濟婆羅門繫遮于色
已竟七年世尊復欲遊諸聚落彼聞婆羅門
語已一切皆起離諍王聞是語即從座起天

於空中椎鍾擊鼓作天伎樂時離諍王躬自
乘車與千子俱及八万四千諸小國王餘九
十二億衆俱圍遶出城詣世尊所至已頭面
禮足并比丘僧却坐一面離諍王與無數億
衆生俱時海濟波婆羅門語離諍王曰大王於
此達觀應發隨喜大王汝於三月供養世尊於
以一切所湏及無數比丘僧種種雜寶迴施
及八万四千城迴施已以此隨喜福業是一
切可迴向阿耨多羅三藐三菩提亦如是勸
王千子八万四千諸小國王并餘多億衆生
以此隨喜福業勸於阿耨多羅三藐三菩提
今住其中是達觀應隨喜應迴向而說偈言

我以是施不求釋
危脆不堅如疾風
此施果報極寬廣
心得自在妙菩提

亦復不求梵天果
況求世間人王福
我所願求畢今獲
度諸衆生無有量

大乘大悲分陀利經卷第二

駒

而披

下音被

王

盛也

瞿盧

音衢

訓羅

反由

牀

檣

上音塔

下音塔

醫鑿

二音同

毳毼

上音朱

反音衢

禰

下力

毳毼

登亦

毛布也

一

仞

高上尺

光

作下

机

居矣

毳毼

斟酌

針上音

餽

時上

交

反下

徒

所綺

反

冠

墳

下音

幢

下許

旌

拈

反以

鐙

上音

澡

灑

下貫

不

反詩

尼

反莫

達

下音

檀

施也

分陀利經第二卷

駒

玉財

聲上去

寤夢

字夢

為鬚

下正

狼

音豺

悒望

二字音

屠割

徒上音

沉溺

的下反

奪

徒活

怨敵

音上

希士徒

葡萄

蒲北反

椎鍾

追直反

脆危

取歲反

不堅也

音上

的及反

花名

徒上音

的

反

徒活

音上

音上

音上

